

INSTRUCCIÓN PARA A APLICACIÓN DA TÁBOA DE AMORTIZACIÓN

Primeira.—Os elementos amortizaranse en función dos coeficientes lineais fixados para estes no seu correspondente grupo ou, de non existir este, agrupación de actividade.

Segunda.—Os elementos cualificados de comúns amortizaranse de acordo cos coeficientes lineais establecidos para estes, salvo que figuren especificamente no seu correspondente grupo ou, en caso de non existir este, agrupación de actividade, caso en que se aplicarán os do dito grupo ou agrupación.

Terceira.—Cando un elemento amortizable non tivese fixado especificamente un coeficiente lineal de amortización no seu correspondente grupo ou, en caso de non existir este, agrupación de actividade, sen que poida ser cualificado entre os comúns, o suxeito pasivo aplicará o coeficiente lineal das táboas do elemento que figure nestas e que máis se asimile a aquel elemento. No seu defecto o coeficiente lineal máximo de amortización aplicable será do 10 por 100 e o período máximo de vinte anos.

Cuarta.—Para os efectos do previsto no punto 3 do artigo 2 deste regulamento, entenderase que os coeficientes foron establecidos tomando en consideración que os elementos se utilizan durante unha quenda de traballo, excepto que pola súa natureza técnica deban ser utilizados de forma continuada.

MINISTERIO DE TRABAJO E ASUNTOS SOCIAIS

14601 *REAL DECRETO 1715/2004, do 23 de xullo, polo que se modifica o Real decreto 1424/2002, do 27 de decembro, polo que se regula a comunicación do contido dos contratos de traballo e das súas copias básicas aos servizos públicos de emprego, e o uso de medios telemáticos en relación con aquela. («BOE» 189, do 6-8-2004.)*

O Acordo adoptado polo Consello de Ministros, na reunión que tivo lugar o día 16 de maio de 2003, polo que se dá contestación ao requirimento de incompetencia formulado polo Goberno da Generalitat de Cataluña, en relación cos artigos 4.1; 4.3; 6; 7; 9, e a disposición derradeira primeira do Real decreto 1424/2002, do 27 de decembro, polo que se regula a comunicación do contido dos contratos de traballo e das súas copias básicas aos servizos públicos de emprego, e o uso de medios telemáticos en relación con aquela, acepta incorporar unha nova disposición derradeira primeira e modificar a disposición derradeira primeira do citado real decreto, que pasa a ser segunda.

Para dar cumprimento ao acordo do Consello de Ministros citado anteriormente, este real decreto incorpora unha disposición derradeira primeira e modifica a disposición derradeira primeira actual, que pasa a ser disposición derradeira segunda, do Real decreto 1424/2002, do 27 de decembro, co contido normativo de ambas as disposicións derradeiras tal como foi aprobado no citado acordo. As actuais disposicións derradeiras segunda e terceira do mencionado real decreto pasan a ser as dispo-

sicións derradeiras terceira e cuarta, respectivamente, mantendo a mesma redacción.

Na súa virtude, por proposta do ministro de Traballo e Asuntos Sociais, coa aprobación previa do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 23 de xullo de 2004,

DISPONGO:

Artigo único. *Modificación do Real decreto 1424/2002, do 27 de decembro, polo que se regula a comunicación do contido dos contratos de traballo e das súas copias básicas aos servizos públicos de emprego, e o uso de medios telemáticos en relación con aquela.*

O Real decreto 1424/2002, do 27 de decembro, polo que se regula a comunicación do contido dos contratos de traballo e das súas copias básicas aos servizos públicos de emprego, e o uso de medios telemáticos en relación con aquela, modifícase nos seguintes termos:

Un. Incorporárase unha nova disposición derradeira primeira co seguinte teor:

«Disposición derradeira primeira. Aprobación dos programas.

O Ministerio de Traballo e Asuntos Sociais aprobará, no ámbito da Administración xeral do Estado, os programas, aplicacións, deseños e estruturas de datos e impresión que vaian ser utilizados nas comunicacións da contratación por vía telemática e difundirá publicamente as súas características.»

Dous. Dáse unha nova redacción á actual disposición derradeira primeira, que pasa a ser segunda, co seguinte texto:

«Disposición derradeira segunda. Comunidades autónomas.

O procedemento de comunicación do contido dos contratos mediante o uso de medios telemáticos, establecido neste real decreto e nas normas que o desenvolvan, poderá ser de aplicación nas comunidades autónomas que asumisen o traspaso da xestión realizada polo Instituto Nacional de Emprego no ámbito do traballo, o emprego e a formación, mentres non aprobasen os seus propios programas, aplicacións, deseños e estruturas de datos e impresión que se vaian utilizar nas ditas comunicacións que, en todo caso, garantirán a comunicación ao Servizo Público de Emprego Estatal dos datos definidos como obrigatorios neste real decreto.»

Tres. As actuais disposicións derradeiras segunda e terceira pasan a ser a terceira e a cuarta, respectivamente, mantendo a mesma redacción.

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Palma de Mallorca o 23 de xullo de 2004.

JUAN CARLOS R.

O ministro de Traballo e Asuntos Sociais,
JESÚS CALDERA SÁNCHEZ-CAPITÁN